

Saksprotokoll i hovudutval for samferdsel og mobilitet - 08.09.2021

Frank Willy Pedersen Djuvik (Frp) sette fram slikt forslag:

«Nytt punkt 1:

Forskrifta justerast i tråd med følgjande:

- Kravet om å nytte drosje som ikkje har utslepp frå forbrenningsmotor gjeld for drosje registrert for inntil 4 personar.
- Forskrifta skal være lik og gjelde alle kommunane i Vestland.
- Det opnast for å gje dispensasjon frå kravet om utslepp frå forbrenningsmotor for område med der det manglar:

- Serviceapparat i nærleiken av der ein driftar
- Kapasitet i strumnettet
- Tilfredsstillande ladekapasitet

- Administrasjonen får fullmakt til å justere forskriften i tråd med dette.

Nytt punkt 2:

- Ikraftsetjing vert sett til 1. oktober 2025 for heile Vestland»

Avrøysting

Pedersen Djuvik sitt forslag punkt 1 fekk 3 røyster (Frp og UA) og fall.

Innstillinga, med unntak av dato for ikraftsetjing, vart vedteke mot 3 røyster (Frp og UA).

Pedersen Djuvik sitt forslag punkt 2 vart vedteke mot 7 røyster (A, SV, MDG og Krf).

Innstillinga si dato for ikraftsetjing fekk 7 røyster (A, SV, MDG og Krf) og fall.

Innstilling til fylkesutvalet

Endre forskrift om miljøkrav til drosjenæringa med følgjande endringsforskrift:

I

Forskrift om miljøkrav til drosjenæringa i kommunar i Vestland fylke.

II

Ny § 2 skal lyde:

"Løyveharar pliktar å sørge for at drosje registrert for inntil 9 personar ikkje har utslepp frå forbrenningsmotor ved køyring i følgjande kommunar:

Askvoll, Aurland, Bremanger, Fjaler, Gloppen, Gulen, Hyllestad, Høyanger, Kinn, Luster, Lærdal, Sogndal, Solund, Stad, Stryn, Sunnfjord, Vik og Årdal"

III

Noverande § 2 og § 3 vert ny § 3 og § 4.

IV

Teksten om ikraftsetjing før § 1 vert flytta til ny § 5, som skal lyde:

"Forskrifta trer i kraft 1. oktober 2025 for heile Vestland fylke.»

V

Endringsforskrifta trer i kraft straks.